



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

17. Dies Aprilis. Detractor, & libens auditor, uterque diabolum portrat in lingua. Sanctus Bernardus in serm.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

17. DIES APRILIS.

DetraCTOR, & libens auditor, uterque diabolum portat in lingua. *Sanctus Bernardus in serm.*

DetraCTio. I.

G Naviter, & graviter D. Bernardus detraxit DetraCTORi, dū illius in lingua dixit fessitare diabolum. Sed gravius illi detraham, dum non modò ostendam; sed convincam esse in corpore humano diabolum. Per detractionem infertur alienæ famæ injuria exterius verbis: quæ facillimè fit. Quia teste S. Augustino (a) *non lingua frustra in udo est, nisi quia facile labitur.* Dæmoni verò quàm simillimus est ob genium illi non dissimilem. Dæmon, (b) *tanquam leo rugiens circuit, querens quem devoret.* Omnia circumeunt, & perlustrant, etiam lustra, & fornices dæmones, ut nocendi, perdendique anfas inveniant. Nullus venator circumit diligentius, ut feram rapiat; nullus urbis alicujus obsefor, ut urbem obtineat: nullus Zelotypus, ut rivalium, & competitorum aliquem in delicto flagranti deprehendat, circumcurandi studiosior. (c) *Ita in circuitu: mpii DetraCTores ambulat; gyros mille faciunt uno die, & in orbem eunt, redeuntq; centies una ferè hora, ut rumusculum audiant, ut aliquid deprehendant, ut vel umbram videant.*

II. Dein

(a) *In Ps, 38.* (b) *1. Petr. 5.* (c) *Psal. 11,*

Aprilis.

Tessera.

291

II. Dein totam urbem pererrant, in plateis, vicis, compitis, foribus, portis, omnia de omnibus percunctando; per omnium domus circumcursant; transeunt de domo in domum; de Curia in Curiam, de asceterio in asceterium, & noctu, interdium totis ædibus, quid mussitando, omnes angulos perlustrant, omnia evertunt, & rimantur; in omnia, & in omnes, & ex omnibus inquirunt, ac sciscitantur, & tantum non quæstionibus, & equuleis utuntur, ut nihil alienæ infirmitatis ipsis incognitum sit, non ut medeantur, sed ut opportunè in commodum suum, aliorum verò incommodum abutantur, & ruinis aliorum erigantur: scarabæorum instar, nunc his, nunc istis equorum excrementis, ad sui incrementum insident: vel ut muscæ quædam malignæ vulneribus; vel ut lupi, & vultures cadaveribus: non ut apes floribus. Centoculi sunt, & centum aurium, & centum narium, ut omnia olfaciant, audiant, videant. Tanquam ardeliones curiositate, & malignitate ducti, simpliciores, & minus suspicaces discutiunt, concutiunt, atque excutiunt de se, de aliis, de magnis, de parvulis, tantum ut prodant, & evertant oblatâ occasione: sic cognita reponunt altâ mente, ut tela bello futuro reservata in panoplia.

III. Audi Detractor, quin & Detractoris Auditor, ut desinas detrahere, incipias diligere, hæc pauca, seu monita, seu consilia, Cui detrahis; est tuæ consors naturæ; est frater, quia tibi, & illi idem est Pater, qui est in cælis: est alter tu, quia uterque ad imaginem & similitudinem Dei. Si detrahendo offendis illum, in illo delinquendo offendis Deum; est enim

T 2

Deus

Deus non tantum cum illo, sed in illo. Debes illi non minus, quam tibi: cui, si quid deest, quod tibi superest, tu tibi tertius, ille secundus est. Ne porro ei desis, vide quæ debeas, quæ possis, quæ præstes, quæ neget; quibus prodesse possis, quibus obesse soleas, quid necessitati tribuas, quid commodati. Paris artis est proximo vivere, & cum proximo. Optimè vivit proximo, qui sibi perfectè moritur: sequè rectè utitur, qui sui usuram proximo commodat, non eam commodat, qui ejus famam maculat. Si soli tibi vivis, & illi mortuus es; neutri vives. Non illi vivis, dum lacerata ejus fama, privas eum civili vita; sed & tu, cui detractum est, noli detrahenti tibi retrahere, ut juves, manum. Redde illi bonum pro malo, ne duo mali sitis. Propone illius mali malignitatem, depinge fæditatem, ostende pericula, ominare perniciem; sed & media evadendi suggere, precibus succurre, exemplo præi. Compatere, non indignare, illud potes, hoc non debes, aut culpæ, non personæ indignare. Si te tangit, non jubeo, ut non sentias, sed feras, quod si recusas, malum alienum, tuum facis, & ex uno duplex. Abstine, quo posset ille offendi, sustine, quo tulædi. Cor gere erga illum benevolam, manum beneficam, linguam amicam, faciem benignam: absentis famam, præsentis vitam conserva. Verbo: tu illius vice, tua illum substitue:

Hoc facito, vives proximo, tibi, Deo.